

ἡ δὲ ῥησιμότης

SIVE,

C O N C I O

D E

Heresium Origine

Latine habita ad

Academicos Oxonienses,

12 Aprilis pro inchoando

TERMINO.

Adjicitur brevis refutatio Tileni.

*Per Henricum Hickman, S. Th. Bacc.
& Collegii Magd. Socinm.*

ἡ δὲ ῥησιμότης ἐκείνη, ἣν μὲν
τῶν ἀδίσκων πλάττειν οὐκ ἔστι
ἔτι, ἀποκρίσας ἀπὸ τοῦ ἰδίου συνέμψυ-
κτος, ἀντιτάσσεται τῇ γνώσει τοῦ κυρίου ἡμῶν
ἡ οὐκ ἔστιν ἰσοῦς Χριστοῦ. 2 Pet. 3. 17, 18.

OXONIÆ:


Excudebat *A. Lichfield*, Acad. Typogr.
Impensis Ed. Forrest. 1659.



SPECTATISSIMO VIRO,
HENRICO LANGLEIO,
SS^z Th^z Dri. &
COLLEGII PEMBROCHIANI
IN
ACADEMIA OXONIENSI,
MAGISTRO VIGILANTISSIMO:
NEC NON SINGULIS EJUSDEM
COLLEGII SOCIIS,
PATRONIS SUIS OBSERVANDIS
HANC QUALEM CUN-
QUE, QUESTIONI
EVANGELICÆ,

Πόθεν ζήλῳ,
ADAPTATAM RESPONSIONEM
L.M.Q. O.D.D.

H: HICKMAN.





*Concio Latine habita ad
Academicos Oxonienses
12 Aprilis, 1659. pro incho-
ando termino.*

Matth. c. 13. v. 27. κείν, ὃχι καλὸς σπέρ-
μα ἔσπυρεν ἐν τῷ σῶ ἀγρῷ; αἰδὼν ὅτι
ἔχει τὰ ζιζάνια;

*Domine, nonne bonum semen in agro tuo se-
vistis? unde ergo habet zizania?*

Quia accepistis verba, parabolica
sunt: ita enim visum est bea-
tissimo servatori, obscuriore,
& tantum non anigmatico, in-
ter concionandum dicendi genere uti.
Non modò quia Syris, maxime autem
Palæstinis, familiare erat; sed partim ut
Phariseorum aures ambiguo & confuso
sonitu feriret; partim ut suos excitaret,
ad doctrinā non cuivis obviam, aut faciem
attentius expendendam. Nec fefellit eum

cr. 38.

spes: non enim citius domum redierat, quam peterent Discipuli, ut vellet eis cōfiterere parabolam zizaniorum. En vobis imaginem auditorum verè Christianorum: non puduit eos ignorantiam, quā naturā laboramus omnes profiteri, & profectus causā inquirere; neque tamen molestias ei inter prædicandum creant: quod utinam attenderent Anabaptistæ nostri, alique phanatici, nescio quo nomine censendi. De Christi scopo nec infimi subsellii tyrunculi dubitaverint, modò ad antapodofin à v. 37. ad v. 44. factam oculos animumque intendant: eò nimirum collimat, ut palàm fiat, quamdiu in hoc mundo peregrinatur Ecclesia, bonis & sinceris in eā permixtos fore malos & hypocritas. Veniet quidem dies in quo lolium a tritico separabitur; imò Christus simulac prodit evangelium annunciaturus, dicitur habuisse ventilabrum in manu, quo aream suam repurgaret: at purgationi illi, quam per pios doctores inchoat, ultimo demū iudicio per Angelos extrema manus apponenda est; Qui ad extirpandum quicquid sibi displicet præposere festinant, anteverunt quantum in se est diem iudicii, & creptum Angelis officium temere

merè usurpant. Unde proclive est elice-
re plus a quo morosos esse, qui, quòd
nusquam appareat absoluta puritas, tu-
multuosè ab ecclesià discedunt, vel im-
portuno rigore eam evertunt ac perdunt :
concessum interim bonis omnibus, quum
infelix lolium segeti succrescere, & ste-
riles avenas agris dominari conspexerint,
precibus eà de re apud Deum conqueri :
fecerunt illud servi patris familiàs, de
quibus a principio audivisti, ἔχθρη καὶ
καλὸν σπέρμα; πῶς δὲ ἔνι ἔχθρῃ τὸ ζιζάνιον;
Quæ verba primà facie duplicem videntur
exhibere quæstionem : priora tamen
illa ἔχθρη καὶ καλὸν σπέρμα, &c. quum non sint
dubitantis, sed vehementius affirmantis,
pro quibus Latini dicerent, *Certè tu bo-
num semen servisti*, aptior erit divisio, si di-
dicamus duas esse commatis partes ; qua-
rum una appelletur τὸ καλόν, altera τὸ
ζημίων; ex utrisque duplex emergit the-
sis.

Prima, Fieri posse ut ager bonis semini-
bus confusus, zizaniis non ita multò post
totus horreat.

Secunda, Quærendum esse servis, unde
ager habeat zizania.

Priori, ut vestis detrahatur parabolica;
ante omnia libet dispicere, 1. quid per
B 2 agrum,

agrum. 2. Quid per bonum semen.
3. Quid per zizania intelligendum ve-
niat.

Agrum mundum exponit Christus, vo-
cem generaliore[m] Ecclesiæ (de quâ solâ
exorsus fuerat sermonem) adaptans; quia
non per solos Iudeæ fines, sed omnes mun-
di plagas aratrum suum ducturus erat.

Per bonum semen denotantur *οἱ υἱοὶ τοῦ βασιλῆως*: non quidem promiscuum pro-
ficientium vulgus, quos tamen istâ peri-
phrasi non dedignatur Spiritus *cap. 8. v.*
12. Sed ii denique qui ita sunt in Eccle-
siâ, ut sint etiam ex Ecclesiâ, Unum
corpus, unus Spiritus cum Christo facti.

Vox *ζιζάνια* origine Syriaca fit, (quod
contendit *Martinus*) an Græca, ut dicantur
ζιζάνια quasi *οἰσίοζάνια*, aut quasi *οἰσά-
νια*, quod aliis placet, non erit opera-
pretium disquirere; cum neminem latere
existimem istoc vocabulo hic quidem loci
significari omne impurum semen, sege-
tem quovis modo vitians & adulterans, si-
ve Christi ipsius verbis *τὸς υἱὸς τοῦ μοιρῆ*,
id est, omnes, qui Christianismum
professi, diaboli imitantur malitiam:
filii autem isti nequam dum sunt gene-
rum. Alii puram professionem vitâ tur-
pi cōquinant. Alii prava docent. Po-
steriores

Heriores vocantur *οἱ πρῶτοι τῶν ἀνομι-*
ων, priores τὰ σκάνδαλα : neque enim eā
 vox tantum factis, sed & hominibus tri-
 buitur c, 16. v. 23. Expositioni huic fi-
 dem facit Origines, lib. 5^o adversus Cel-
 sum. Ἀληθὲς δὲ τὸ σκάνδαλον ὄνομα πο-
 λὺ ἐν τοῖς χράμασι τύποις ἐστὶν ὅτι ἐκ
 μὲν λέγουσιν περὶ τῶν διαφερόντων ὑπὸ τῆς ὁ-
 ρῆς διδασκαλίας τοῖς ἀπαισίτοις καὶ ἐνέξαται ἡ-
 ῖς. Paulus conjungit Rom. 16. 17. διχο-
 στασίας καὶ τὰ σκάνδαλα παρὰ τὴν διδασχὴν:
 idemque quod Christus in Evangelio di-
 xerat, ἀνάγκη ἐστὶν ἰλθὲν τὰ σκάνδαλα, ex-
 tulit 1 Cor. 11. 19. Δὲ ἀίρεσις ἐστὶν ὅμοι-
 ον. Author questionum ad Orthodoxos
 αἰρέσεις ὁ κύριος ἐν ταῖς ἑαυτοῦ παραβολαῖς
 ζιζάνια καλεῖ. Ut non dubium sit per ζι-
 ζάνια intelligendos esse omnes malos, spe-
 ciatim Hæreticos seorsim abeuntes a ve-
 ræ pietatis doctrina. Vnicus modo restat
 eximendus scrupulus; cum enim zizania
 dicantur filii maligni, bonum semen filii
 regni, hoc loco abusi sunt Manichæi, quò
 colorem saltem aliquem suo de duobus
 principiis figmento inducerent: sed isti
 nudo, si tamen nudo, duplicem adaptavit
 cuneum. *Isid. Pelens: lib. 3. Epist. 107. ἐκείνη*
παραβολὴ περὶ τὸ σπυρίματον ἀναζωογονη-
σθαι, καὶ τὸ πάντα καὶ πᾶντα ληπτίον; non sunt

omnia in parabolis ad vivum refecunda: & ne obtentum quendam excogitasse videretur, addit insuper τὸ ἀπορρησθέν, sc. seminis appellationem, cum ipsi Dei verbo proprie conveniat, transferri ad eos hoc loco, qui instar arvi ipsius seruntur, propter seminis & eorum qui semen exceptum fovent contemperationem, & quasi transelementationem: per semen hoc fertili solo cordis credentium receptum Christus in iis formatur, & ipsi vicissim in Christo formantur. Διὰ γὰρ τοῦτο καὶ τὸ σπέρμα μεταβάλλεται ἵνα ἰσομοιωθῇ τὸν ἀνδρῶνα ὡς ἐαυτὸν. At non eadē fortassis falsæ doctrinæ efficacia; audiatur ergo *Cyri: de oratione*, ξύμα πνεύματος ἐισδύοντα εἰς τὸν καὶ πνεύμα ψυχῆς καὶ σῶμα καὶ πνεύμα ὡς ἐάνθρωπος ποιεῖται μετὰ στοιχείων. Et jam tandem video me thesin hodiernæ demandatam provinciæ velut incautum vobis exhibuisse, quam amoris verborum involucri sic concipite: *Fieri posse ut Ecclesia Christi Hæresibus et hæreticis tota scatur.*

Initio quidem Ecclesia Christiana maximam partem constabat ex iis, qui pleni erant spiritu sancto, aut certè spiritū illum jam jam expectabant: sed simulac deser-
buit prima illa dilectio, jam ipsis Apo-
stolorum

stolorum temporibus, multoque magis
 post, immiscere se Christianis ceperunt.
 Nicolaitæ & Gnostici; specialiter notati
 in Epistola: Petri & Judæ, qui sub specie
 Evangelicæ libertatis ea docebant ad id opo-
 re esse quæ honestati naturali repugna-
 rent. Idem singulis centuriis evenisse
 minimo aut nullo negotio evincam, si re-
 siliis & ecclesiasticis annalib. vellem expe-
 riri. Sed quid attinet veterum monu-
 menta evolvere? solam Ecclesiam An-
 glicanam intuemini: fallor, ni opinionum
 monstra parturiverit, ad quæ vel demens
 Ægyptus obstupescat: sc. Heterodoxia
 susurrare prius solita, nec in publicum pro-
 dire, hodie suggestum scandere, & in De-
 um Christumque ejus palam debacchari,
 causa est: hinc Sociniani omnia fidei myste-
 ria rationis suæ decempedâ metiuntur; il-
 linc Enthusiastæ, neglectâ & insuper ha-
 bitâ scripturâ, spiritus magisterium fastu-
 osissime obtendunt; hinc Aminiani di-
 vine gratiæ detrahunt, ut speciosius vel-
 ficientur humanæ libertati; illinc Antino-
 mi zelum liberæ misericordiæ prætexen-
 tes, justificationem quandam ab æterno
 comminiscuntur. Quid referam Hobbium,
 cælo invisum caput, nec Hæretici no-
 mine dignandum? quid Clementem

Writerum, qui libro, cui titulum fecit, *fides divina*, infidelitati plus quam Judaicæ fenestram aperuit? quid tremulos, conjuratam non in religionem modò sed & omnem humanitatem turbam? certè vix est ut recitetis mihi fidei apicem, quem non fœdârunt controversiæ; aut religionis articulum, quem non vel subdolè suffoderit, vel plane diruerit novaturientium audacia.

Sed tempus est, ut inquiremus unde zizania. Tenendum 1. Deum non esse eorum authorem. Refert tamen *Augustinus* quosdam in ea opinione fuisse ut legem a *Mose* traditam damnârint, & Deum velut zizaniorum authorem oderint.

Nec eâdem hæresi, pro suâ mentiendi & maledicendi libidine, Genevenses gravare desinunt Jesuitæ & Remonstrantes. Verum hujus infanz calumniæ dedecus & labes penes authores, vindicta penes Deum esto. transmarinis illis divina puritas tædies dicta, picta, prædicata, ostentata, decantata est, ut loca recensere pigeat. Non negamus interim maximo *Calvino* in commentariis hujusmodi excidisse. *Quemadmodum Spiritu suo nos intus illuminat Deus, ut efficax sit apud nos doctrina sua, oculosq; & corda nobis aperit, ut illuc penetret: ita*
justo

*justo iudicio tradit in sensum reprobum; quos
 exitio destinavit, ut clausis oculis & stupi-
 da mente, quasi fascinati Satana & eius
 ministris se fallendos tradant. Quo nomine
 si bonis illis viris blasphemix intumuletur,
 causam non video cur eandem infamix no-
 tam doctori gentium non inurant, qui tam
 exerte ait 2 Thes. 2. 10, 11. propterea quod
 amorem Veritatis non receperunt, ut salvi fi-
 rent, ideo igitur Deus eis mittet efficaciam
 erroris, ut ipsi credant mendacio. & ad Rom.
 1. 28. Sicut non visum est eis Deum in
 agnitione retinere, ita tradidit eos Deus in
 mentem iudicij expertem, ut facerent qua
 minime conveniebant; Et ut maximè hac
 de re tacerent sacra Oracula, equis
 vestrum legat quam Philosophi ad unum
 omnes ab uno summo Numine ad prodigi-
 osa nugamenta defecerint, quin ulticibus
 tenebris eorum mentes occæcatas fateatur?
 Ethnicos autem si spiritu vertiginis per-
 cussit Deus; quid mirum si Christianis
 flagitiosissimis incutiat amentiam, ob-
 duret corda, eorumq; animos spiritu so-
 poris inebriet? Duplici verò de causa Hæ-
 reticis frana laxata memorem; Vna, ut
 constet quinam sint probati, quam non
 obscure innuebat Apost. loco prius lauda-*

1. Cor. 11. 13

to: Altera, ut electi, qui de fide sua haud parum certi sunt, dubitando evadant certissimi. Veritas enim & clarius renitescit, & fortius retinetur, dum quæ fides prius docuerat, hæc postea examinatio firmat.

Affirmativè si agendum sit, a triplici fonte omnes errores videntur profluere.

Seducentium astucia, sedulitate, impudentia.

Seducutorum ignorantia, impietate.

Pastorum desidia & supina oscitantia.

De singulis ubi eâ quâ par est brevitate differuero, nihil restabit aliud, nisi ut omnia Auditorum usui per applicationem (quam vocant) attemperentur.

Seducentium astucia tanta est, quantam mentibus neutiquam concipere, nedum verbis efferre valeatis: eam tamen cum quadantenus adumbrare satagerem, peropportunè mihi in mentem venit v. 14. cap. 4. ad Eph. in quo tribus verbis Hæreticorum fallax artificium mirifice depingit Apostolus. *Κυβισαί, σαπυρίαι, μισθολογίαι τοῦ πλάτους.* *Κυβισαί*, tanquam speciei omnium notissimæ & vulgatissimæ, nomine, ludos omnes talorum, chartarum, calculorum, rotæ versatilis, omnesque id genus callido veteratorum consilio excogita-

ros & usurpatos ad res alienas involandas
hoc loco intelligendos existimo. Illa *κυ-
βία* fallorum doctorum *περὶ πατερῶν* de-
claratur, illa *πατερῶν* quasi definitur *με-
θόδῳ τῆς πλάτης*; sic enim & Scholiastes
græcus locum exponit, *κυβίατ πατερῶν
καλῶν*, inquit, Hæretici sunt *πατῆρες* quæ
τὸ ἐκρεῖν μέθοδον καὶ ἀρετὰς πλάτης, πάντα
περὶ τὸ ἀπὸ τῆς μηχανῆς. Quod si di-
stinctius quærat, quâ methodo utantur
πατῆρες *κυβίατ*, ut rudioribus & incau-
tis imponant.

10. Suadent magistratui tolerantiam
omnium opinionum, ne qua vis Consci-
entis tenerioribus inferatur: Nihil in ore
crebrius Arrianis, Donatistis, Anabaptis-
tis, prophetandi libertate, qui tamen ipsi
rerum positi in contra sentientes barbarè
descriebant, testibus *Arhanasio*, *Augustino*,
Optato, *Sleidano*. Quin interfit pacis Eccle-
siæ in levioribus dissidentes ferri nullus
dubito. Odi si quis alius tyrannidem
Papalem, nec facile dixerim de quovis
Hæretico, simpliciter impossibile esse, ut
stante assensu talis erroris servetur. Quis
enim ego qui limites figam gesseris Dei
misericordiæ? At illud satagunt Hæresi-
archæ ut Ecclesiæ nullos suæ communio-
nis limites figant, ac septo disciplinæ
muniant

muniant quasi actum esset de Christianâ charitate, ni Κοινωνία δόξης omnibus datur, qui dogmata simpliciter necessaria non respuerint. Remonstrantium verba sunt, *Theologia ipsius animam suffocari atq; elidi, ubi decisiones sunt, quibus constanter summittere harendum est.* Expectant scilicet uberem errorem mellem, ubi semen spargere, quod libet id demum licet.

2°. Ministros Evangelii Magnatum odio, plebis uerò ludibrio exponunt. Qui enim radices agat doctrina, quum doctores ipsi cœperunt esse despiciatui? ipsa salus non seruet eas oves, quæ æquè metuntur a Pastoribus & Lupis.

Tribus autem modis hoc ministrorum vilipendium contingit.

1°. Si vulgaribus ingeniis concionandi pruritus affricetur, quasi unctio Spiritus non modò omnia doceret, sed & omnes doctores efficeret. *Numb. 16. v. 4.* Adversus *Mosen & Aaronem* dicunt *Korah, Dathan, & Abiram*, *satis esto vobis, nam totus hic cœtus, hi omnes sancti sunt, & inter eos est Jehovab: offertis vós super congregationem, Jehova.* Sed Arrogantiæ suæ pœnas luebant, descendentes vivi in sepulchrum; & tamen eadem blaterare non verentur Remonstrantes, Anabaptistæ, Weigeliani, Socini.

Sociniani, quorum vitulâ utinam non a-
 rarent è nostratibus milites quidam, pri-
 us imperitorum magistri, quam doctorum
 discipuli: imò utinam in idem saxum non
 impingerent juniores Academici, qui tan-
 ta charitatis sunt, ut ante effundere quàm in-
 fundi velint, loqui quàm audire paratiores,
 & prompti docere quod nunquam didicerunt,
 Si saperent (judice Bernardo) concelas se ex-
 hiberent, non canales. Vos quidem magi-
 stros abundare oportet præceptis institu-
 risque Philosophiæ: perpendite interim, an
 toties concionandum sit non præeunte hu-
 manâ Vocatione; nullam certè talem con-
 suetudinem habuit primitiva Ecclesia, nul-
 lâ præsens Presbyterianorû, nullâ Ecclesiæ
 Independentes in novâ Angliâ militantes,
 saltè si Johanni Nortono, viro apprimè do-
 cto fides, cujus hæc sunt verba. "Institutum
 " aliquod Christi ordinans fratrem priva-
 " tum, nullo gaudentem munere Ecclesiasti-
 " co, habere ordinariam, & statts licet occa-
 " sionaliter vicibus, fixam verbum prædican-
 " di potestatem coram toto cœtu in Ecclesiâ,
 " sufficiens ministerio instructâ, nondum in
 " Scriptura didicimus, nedum credimus.

Res. ad A-
 pol. pag. 124

2. Hæc si parum feliciter succedant viâ,
 aliam ineunt, scilicet ordinationem, quâ
 gaudent sui ævi concionatores, in jus vo-
 cant,

cant, & tanquam Antichristianam & nullam damnant. Quantum facerent negotii Apostolo Paulo hujusmodi vitiligatores, nemo vestrum qui epistolam ad *Cor*: priorem legerit, nescit: inde extorta ei Apologia, etiam apud eos qui non alium in Christo Patrem agnoscerent, nobis quoque Deo gratia nunquam defuerunt ministerii sigilla, ad partes tamen vocamur à Romanensibus, eò quòd non, à Sectariis verò eò quòd, a Pontifice derivata fuerit in primos reformatores Potestas. Et, quod nollem, rigidiores quidam Prælati, qui Calvinum non norunt, ordinationem nostram elevant, quia facta sit per impositionem manuum Presbyterii, quæ tamen olim vel ad Episcopum creandum sufficiebat: aut siqui nos ministros fateantur, schismatis tamen postulant, & hæc præjudicia tam altè descenderunt in animos exulceratos, ut nullus vel excusationi vel veniæ locus nobis apud illos sit relictus; tantumque odium nostri cepit elusas mentes, ut Concionibus & Sacramentis nostris pollui se putent & conscelerari.

3. In potestatem ecclesiasticam impotenter insurgunt; hinc natæ illiberales calumniae de ædificando imperium in imperio,

perio, de excommunicationis tyrannide,
de temerè & nullo nostro jure usurpatis
clavibus regni cælorum. Istam in cleritos
fabam primus enormi sane audaciâ cude-
bat Erastus; principibus credo ut place-
rent quas fecisset fabulas; quasi Magistra-
tui non satis sua constaret autoritas, si a-
bigantur ex Domini familia, quorum è
turpitudine ad Christianum nomen infā-
mia redundaret. Sed facile ignoscimus
Erasto in sua arte tam turpiter hallucinan-
ti, ut crocum metallorum salvā Conscien-
tiā quenquam ministrare posse negaverit,
si de excommunicatione vomitu eccle-
siastico minus rectè senserit. Sciant inte-
rim ejusdem farinae Pambaliones, arma
militiæ nostræ non esse carnalia, sed spiritua-
lia, divinitus valida ad destruendas mun-
itiones, & ratiocinationes evertendas, &c.
2 Cor. 10.

Tertiū artificiū statuo se suosque omnes
efferre, doctrinæsq; suas spiritui sancto ac-
ceptas referre: notū illud, Tertullianū post-
quam in Montani partes abiisset, suos asse-
clas spirituales appellasse, reliquos omnes
carnales & *ψυχικάς*. Basilidis de suis sym-
mittis loquentis ei apud Epiphanium ver-
ba sunt, *ἡμεῖς ἐκ τῶν ἀνεσώτων, οἱ δὲ ἀπὸς
κρίτος καὶ υἱός* Papistis Scholastici doctores
audiunt

audiunt *Seraphici, Angelici, subiles, irre-*
fragabiles; imò inter eos non nemo dice-

Vid: Collo.
Rai. prope
initium.

cōsque pauculos qui deduntur, paucis hu-
 jusce tantum temporis quæstionibus in-
 cumbere, atq; hoc ita leviter, ut vel cum
 plebeis catholicis colloquia reformide-
 mus, aut si quando congregiamur, vul-
 gus Catholicorum nostris posse quibus-
 cunque argumentis occurrere, etiam in
 rem nostrā plura quā valeamus ipsi di-
 cere: quantum hodierna societas Jesu

Apol. c. 3.

intumescat, una Bonaldi vox testabi-
 tur: 'jungantur in unum dies cum nocte,
 'lux cum tenebris, calidum cum frigido,
 'sanitas cum morbo, vita cum morte &
 'erit tum spes aliqua, posse in caput Je-
 'suitæ hæresin cadere! Paracelsus Hære-
 tico-medicus, medico-hæreticus *stultissi-*
imum occipitii sui pilum plus scire gloriaba-
tur, quam omnes Galeni sectatores, et ipsius
barbam plus experimentorum habere, quam
omnes Academias. Weigeliani autem,
 qui Paracelso ortum suum debent & incu-
 nabula, quamvis ea conscribissent, quæ sa-
 ni incipitis esse insanus negaret Orestes,
 se tamen solos spiritu repleti jactitant, nos
 verò miseros emortuam & occidentem
 literam adhuc sectari: nec nihil profici-

unt hâc suâ arrogantia. Quamvis enim exertè moneat Apostolus, non esse omni spiritui credendum: imperiti tamen, ad solum honorifici tituli strepitum attoniti, de re ipsa inquirere non audent.

4. Quartum artificium in vocibus situm est: *ἰσορροπία τῆς ματαιότητος καὶ ὁδοῦ* *ζῴωντος*. Summæ vanitatis plena loquentes inescant qui vere effugerant eos, qui in errore versantur, ait Petrus. Hilarius verò de Arrianis, "Confusis permixtisque verbis" *veritatem frequentissimè eludunt; et in-* "cantorum aures communibus vocabulorum" *sono capiunt.* "Sic verba temperant, sic" *ordinem vertunt, et ambigua quæque con-* "cinnant, ut et nostram et adversariorum" *confessionem teneant, ut aliter Hæreticus,* "aliter Catholicus audiat. Plura de hac" *Epist. 61.* methodo qui velit, Calvinum is adeat adversus Libertinos, cujus verba recitare non libet, ne non tam testimonium proferre, quam satyrâ scribere viderer.

5°. Suarum opinionum systema & compagem in medium afferre detrectant. Hoc artificium in Remonstrantibus experta est synodus Dordrechtî habita, quin & Fratribus Dissidentibus nullam extorqueri posse regiminis sui formulam non

uno loco conqueruntur Theologi Westmon: quo jure, quâve injuriâ viderint alii. Basilidem certe istum quem prius nigro carbone notavi dogmata suâ celâsse locuples testis est *Epiphanius*: nimirum qui nihil prius aut antiquius habent, quam Auditores comparare, iis varianda est sententia prout suorum palato experientur maxime arridere. Hinc annuæ & menses fides.

2°. Hæreses seducentium sedulitati & labori verè improbo progressum suum debent. Neque enim ea unquam erat Ecclesiæ felicitas ut non plura facerent heterodoxi propter cruciantem Diabolum, quam facerent Orthodoxi propter redimentem servatorem. Nos quibus id negotii datum a cælesti patre animas ut servemus, *stertimus indomitum*, quod *desperare falernum* Sufficiat—urgentibus interrim de nocte latronibus animas ut jugulent. Phariseos circumivisse mare & aridam, ut facerent unum Profelytum affirmat Evangelista 23 *Mar. 15*. Et quis vestrum non obstupescat? ad prolixa Jesuitarum volumina eam in finē ab iis elaborata ut Pontifici impio ac detestabili subpalparentistius fursuris homines pene dixerim, Dæmonis æmulos, qui noctes diesque obambulat

ambulat quærens quem absorbeat. Om-
nem movent lapidem, omnem induunt
personam, & quos rationum momentis
non vincunt: importunitate tamen suâ su-
perant facile, & captivos ducunt,

3^o. Non parum proficiunt Hæresiarchæ ca-
ninâ suâ impudetiâ, frons illis exanguis ru-
borem dedidit & argumenta, quibus non
sunt respondendo contemnunt. Vere A-^{Orat. 4.}
thanasius vertente Petro Nanno: "Hære-^{contra Ar-}
tarian.

"iici ubique refutati, de-
"claratique nullius scientia
"esse & erubescere tamen
"nequaquam possunt: Sed
"quemadmodum in fabulis
"Ethnicorum celebrata Hy-
"dra, sublati prioribus ser-
"pentibus aliisque pullulan-
"tibus, peruvacaciter conten-
"debat novo semper objectu-
"anguinum contra eum qui
"ipsi suo serpentes tolle-
"bat: ita quoque isti exe-
"crabiles homines dejecti ab
"illis quæ obiciebant, alias
"reperiunt stultas controver-
"sias, et quasi veritatem ho-
"stem haberent, comminif-
"cuntur nova, ut ita se ma-

ιδὲ ἐπὶ πάντι ἐλαγχύμε-
τοι καὶ διακύνετοί τε ὅσοι
ἐν πίστει ἱεροί, ἐκ ἀν-
θρώπωνται ἀλλ' ὥσπερ ὁ
λαχμήν πρὸς τοῖς Ἑλ-
ληστίαν μύθοις ὕδρα, τὸ
θίγειν, ἀναστρέφει τῶν
συντίθενται ὄφιν ὡδινῶν
ἐπὶ τοῖς ὄφιν φιλοθηκῶσα
οὖς τὴν ἀναστρέφει τῇ
τῶν ἐπὶ τοῖς σκελετοῖς τὸν
αὐτὸν τρόπον καὶ οἱ θεομά-
χοι καὶ οἱ θεοσυγχεῖς, ὥσ-
περ ὕδρα, τὴν ψυχὴν,
πῖπτοντες ἐπὶ οἷς σκεδά-
λονται ἀλλὰ ἐξουείσ-
κουν ἰνδαίνεσθαι καὶ μωροῖς
ἑαυτοῖς ἐκζητήσις καὶ ὡς
οὖς ἔχουσιν τὴν ἀλή-

Διὰ τὴν ἐπινοῶσιν αὐτῶν πρὸς,
 ὅπως μόνον ἑαυτοὺς δια-
 κείτωι χριστιανῶν ἐπι-
 λήξωσι μετὰ τῶν το-
 σούτων καὶ αὐτῶν ἐλέγχων,
 ἐφ' οἷς καὶ ὁ διάβολος αὐ-
 τοὺς ὁ τούτων πατὴρ ἐν τῇ ἀ-
 πείρῳ ἀπὸ τῆς ἀπείρας ὁπίσω,
 ἀπὸ τῆς ἐκείνης τῆς κατὰ τὴν
 αὐτῶν ἐπινοῶσιν τοσούτων
 σι, καὶ τοὺς μὲν ψιφιστεύου-
 σι, τοὺς δὲ ὡς καὶ τῶν
 πειθομένων.

“gis Christi perdnellas et
 “oppugnatores declarant :
 “quippe qui post tot refuta-
 “tiones, quibus vel Diabo-
 “lus ipse horum pater reje-
 “ctus confususque retro abi-
 “isset. rursus ex perverso
 “corde nova alia cominif-
 “cuntur, et his quidem ad-
 “murmurant, istis verò in-
 “suscitant, alios rursus
 “veluti culices bombo cir-
 “cumstrepunt.

Sequitur secundum causarum genus,
 ab eorum qui seducuntur partim ig-
 norantia, partim impietate accersendum.
 Et vulgus sanè Christianorum in tantâ
 versatur inscitia, ut non magis mirer eos
 labi, errare, decipi, quàm nubes pluvia
 vacuas huc illuc ventis violentioribus ex-
 gitari. Ludibrium fluctibus debeant, &
 fidei naufragium faciant necessum est, qui
 in pelago agentes omni destituuntur ratio-
 nis saburrâ ; præsertim cum pseudo-ca-
 tholici ignorantiam & fidem implicitam
 adeo non damnent, ut laudent etiam, &
 ad salutem sufficere deprædicent. Grego-
 rius de Valentia memoriae prodidit, Mer-
 catorem quendam Placentinum secum sic
 sta-

statuisse; " velle se Pontificiam potius
 " quam Lutheranam Religionem ample-
 " sti, ob id imprimis, quia illic compen-
 " dio quodam dicere possit veritatem: vi-
 " delicet, si ait quod ait Pontifex, negat
 " quod negat Pontifex. Hic vero, si Lu-
 " theranus vellet fieri, Catechismus dis-
 " cendus & scriptura scrutanda esset,
 " quod equidē facere non posset, cum po-
 " tius Italicae naves, & transmarinas mer-
 " ces ei investigandae essent, Addit Jesuita,
Deum omnino nil habiturum quod in tremen-
do illo iudicio ei opponat. Scilicet ministri
 Christi conscientias peccatorum flammās
 injiciunt, & auriculas plus nimio molles
 mordaciori veritate radunt, pseudo-pro-
 phetae iisdem in immunditie sua adblandi-
 untur. Consulite Academici Hæresiogra-
 phos, qua veteres, qua recentiores, fallor
 ni omnis error ad id compositus videatur,
 ut ad corruptorum hominum salivam face-
 ret. Mitto Judæos, Messiam carnem te-
 nus florentissimum præstolantes. Prætereo
 Gnosticos, qui postquam se impudicis am-
 plexibus polluisent,, Venerem suam lon-
 gè turpissimam esse doxerunt *μυστήριον κα-
 τὰν τῆς αἰσεως*. Taceo Jesuitas, quorum mysteri-
 um iniquitatis revelavit non ita pridem
 Jansenista. Quid quæso humanae superbiae
 C 3 gratius

*Analys.
 de Eccl.
 p. 205. C.
 207.*

gratius excogitare possint, vel Sociniani, quàm rationem humanam in ipsius fidei rebus normam statuere, vel Arminiani, quàm libero arbitrio in negotio salutis proram puppimq; assignare. Quin & Prælati nuperi tanto apparatu sentus exteriores demulcebant, ac si id unum egissent, ut reducto in ecclesiam Judaismo simplicitas Evangelii evilesceret. Pastores amabant dici sacerdotes, struebantur altaria satis superque magnifica, sed quorum sacrificia erant longe puriora Christi membra. Ornabantur fenestraz imaginibus Dei, verà interim Dei imagine, scilicet sanctitate, sub odioso Puritanismi titulo misere vapulante: parum morabantur si ~~egressus~~ quam squalerēt vitiis Presbyteri, modo vestibus saltem albescerent: majus habebatur crimen infulis & apicibus, quam dici Dominice jus divinū denegare, gravius flagitium ad nomen Jesu inter legēda Evāgelia non flexisse genua, quam per servatoris vulnera in nugacibus colloquiis dejerasse. Durius luebant Professores sine nugis Ceremoniarum sincerius cultam Divinitatē, quam lacerant profani nebulones quotidianam ebrietatem aut frequens Adulterium.

3. Quod errores longe lateque propagentur in causa sunt Pastores *male, aliud,*
nihil

nihil agentes; zizania super seminata sunt,
ὅς τὸ κακὸν τὰς ἀδελφότητας. Quibus ver-
 bis etſi nullus dubitem Chriſtum tantum
 ſignificare voluiſſe, Diabolum occultè &
 nemine advertente ſuas partes egiſſe: om-
 nes tamen veteres, homines dormientes,
 Episcopos, eoſque qui regendæ Eccleſiæ
 curam habent, interpretantur; in eandem
 ſententiam concedit Gloſſa interlinearis.
 dormiunt autem prælati (annotante Gor-
 rano) tripliciter; *vel cum torpent inertia,*
vel cum reſolvuntur laſcivia, vel cum pre-
ſuntur ignorantia ſive culpa: è quibus an-
 ſam arripuiſſe Satanz miniſtros, utinam
 Eccleſia Anglicana non ita nimis attesta-
 retur. Fuère (quod probe meminiftis)
 illa tempora, cum ſacris ordinibus initiati
 non odorem vitæ ad vitam ſpirarent in
 pulpitis, ſed in popinis crapulam & teter-
 rimos fumos exhalarent, homines in ven-
 trem proni & libidinum mancipia. Siqui
 erant magis ſicci & ſobrij, ii vel cura rei
 familiaris, vel negotiis ſecularibus impli-
 citi concionibus neutiquam vacabant; aut
 ſi forte quater per Annum roſtra conſcen-
 derent, ea effutiebant quæ viris cordatis
 gemitus & ſuſpiria, laſcivientibus inge-
 niis riſum plauſumque extorquerent.
 Nemo ſatis pro famâ peroravit, qui Cal-
 vinum

vinum non lancinaret, aut effingeret sibi Puritanum. Non eo inficias per septendecem plus minus novissime elapsos annos plures habitas Conciones, sed de Rege & Parlamento potius, quam de fide & resipiscentia: & certe nescio quo malo fato accidat, sed etiamnum accidit, ut quotiescunque excurritur in Regimen aliquod ecclesiasticum nostræ opinioni per omnia non congruum, vis ingenii dicentes incendat; e contra, quum detonandum sit in Avaritiam, Injustitiam, Sacrilegium, Perjurium, omnis animi motus deficiat & plane flaccescat Oratio. sc. hoc est quod Ithacus velit, & magno mercentur Achivi; etenim (quod in diverbium abiit apud Erasmi.) *dum pastores odia exercent, lupus intrat ovile.*

10. Hæc de triplici errorum fonte dicta sunt: quæ cum ita sint, multa sponte sese mihi ingerunt corollaria practica, quæ omnia lubens prosequerer, ni suboritur vobis rædii metus sufflaminaret. Vnum attingisse non pigebit. Hortandi à me estis Prophetarum filii, Prophetæ ipsi, utrique simul. Juniores hortandi estis, ut sedulo vobis caveatis ab hæresibus, à quibus immunes præstat non Philosophia Peripatetica, sed sola Christi in cordibus effusa gratia,

gratia. Melius *pro vobis respondebit bona* conscientia, quam decem *Aristoteles*. Non est quod multum metuat a deceptoribus, qui sanctimoniam nuntium non remisit. Nequè enim valdè periclitatur veritas, ubi non periit aut elanguit Pietas. Sciscitanti cuidam, quid ita in oblongos capillos non inveheretur, respondisse fertur Johannes Theologus (Doddiū intelligo) *Se ista predicaturum, quæ gerenda fidei apta essent, eā ingeniā Auditores non ulterius crines submissuros.* gravissima sanè responsio, quæque spiritum tanti viri redolebat. Averfatur enim nova Creatura id genus muliebres Vanitates, averfatur eadem malefana dogmata. Nec est alia certior regula probandi Spiritus, (Scripturam si excipiat) quam communis sensus fidelium. Liceat mihi illud unum impetrare, ut singulis noctibus factò severiori examine in vos descendatis; ego securus fuero nunquam vobis persuasuros vel Pelagianos, *non dari Peccatum Originale;* vel Pontificios *opera nostra esse meritoria;* vel Remonstrantes *gratiam Conversionis non determinare voluntatem.*

2º. Vos veneranda capita, virique gravissimi, monendi estis unum atque alterum; & illud imprimis ut refutandis hæresibus

resibus oleum operamque impendatis. Sentiant Romanenses non deesse Oxonio Jewellos, Humphredos, Abbotos, Tuissios aliosque quorum vel nomina reformidant. Sentiant malevoli, qui solas conciones nos meditari mentiuntur adhuc in Academia litari, tum Philosophiæ, tum Theologiæ Polemicæ: facilis largior ecclesiam Christi nihil illustrius habere ordine prædicantium, est enim *stultitia prædicationis sapientia Dei et potentia ad salutem*. Desinant interim populares Concionatores sese acuere contra velitationes Scholasticas ni velint irrumpentibus in vineam Domini ferarum instar Hæreticis in prædam abire veritatem. Sciant differendi artem neminem habere inimicum præter ignorantem. Sciant non esse aliam ad Papismum imò Atheismum faciliorem viam quam Dialecticæ contemptum. Dictum

cul. Ann. erat a non nemine cum in procinctu staret
Decad. 2. p. rent Farellus & Salnerius è sacro codice
 89. contra fidem Papistarum dimicaturi, *si disputetur, totum nostrum mysterium destruetur*. Dicam ego, si non disputetur, totum illud mysterium denuo reviviscet. Habuerunt Romani quos Campi-doctores vocabant, quorum erat ut Tyrones condo cefacerent, arma tractare, missilia torquere, castra

castra munire, fossam ducere, sudes figere, solem pulveremque ferre, inter se ad modum iustæ pugnae concurrere, & quæcumque evenire in acie atque præliis possunt in campestri meditatione prænoscere. Vestrum, Præfecti Collegiorum, Tutoresque, est illud munus, *Hæc agite*, per viscera Jesu Christi *hæc agite*, ut ingenia, quæ invenistis Grammatica, relinquitis Philosophica, ne in alium orbem deserti videantur, quoties cum vasserimis Jesuitis manus conferendæ sunt. Habeatur laxa disciplinæ, violati juramenti reus, qui exercitiis non interfuerit: pudeat quemvis in sociorum numerum cooptare, qui non fuerit tam subasti ingenii quam vitæ integerrimæ. Hæc eo lubentius urgeo quod videam ad audiendas quidem conciones frequentem convenire juventutem Academicam, progymnasmata interim literaria tum inter privatos Collegiorum parietes tum in Scholis publicis susque deque habere, cui malo ni mature occurratur, ad ribicinem illico mittamus oportet & polilinctorem, qui Orthodoxiæ omni funus faciat, & cum eâ pietatem quoque efferat ac condat.

Dein monendi estis verbis Apostoli ut
observetis dissidiorum et offendiculorum au-
thores

thores contra Doctrinam quam didicistis et declinetis ab iis. Quicquid contra ogginniant homines ad corrupti seculi genium compositi, temporibus Apostolicis hæreticos & prophanos eadem expectavit pœna, idem dedecus, tradidit Satanæ Corinthium incestuosum Paulus: eidem supplicio ob denegatam resurrectionem Hymæneū & Philetum devovebat idem; utramque Phrasin ad excommunicationem refero, cum quâ tamen certam carnis vexationem conjunctam fuisse non diffiteor. Ea excommunicatio cum hodiè non obtineat, seductores saltem familiari consortio amandemus, ut eos pudore suffusos suæ Heterodoxiæ pœnitere incipiat. Siquis venit ad vos & aliam doctrinam adfert ne recipite eum, imò nec *ave* ei dicite, qui enim dicit ei *ave* communicat operibus ejus malis 2 *Epist. Joh. 10. 11.* Ecce tantum non communia humanitatis jura Hæterodoxis deneganda præcipit, quod præceptum si minus apud vos valeat, moveat saltem tanti viri exemplum Cerinthum eo studio declinantis, ut nolit communi cum eo Balneo gaudere, referente Irenæo apud Iuseb. lib. 4. *cap. 18.* qui etiam testatur Polycarpum Marcioni occurrenti aliquando sibi & dicenti *ἐν εὐχαριστίᾳ ἡμεῖς* respondisse *ἐν*

ἐπιτάσκει εἰ τὸν ἀρεστότατον τῷ Σατανᾷ Το-
 αύτην (ut graviter monet idem author)
 οἱ Ἀπίστολοι καὶ οἱ μαθηταὶ αὐτῶν ἔχον
 εὐλαβήσαν, ὥστε τὸ μηδὲ μοχλὶ λόγου κρινώ-
 ρην τιγὶ τῶν παραχαρασσόντων τὴν ἀλήθει-
 αν. Περὶ ἱπτικὸν claudant illa Ignatii ad
 Philad: verba, dicam, an tonitrua, εἰ τις
 χιζῶντι ἀπὸ τῆς ἀληθείας ἀκολουθεῖ, βασιλείαν
 τοῦ θεοῦ καὶ κληρονομίαν καὶ εἰ τις ἐκ ἀφίσταται
 τοῦ ψευδολόγου κήρυκε, εἰς γένηται κατακει-
 θήσεται, ὅτι γὰρ ἐν σελῶν ἀφίσταται γὰρ, ὅτι ὁ
 δουλεύει συγκαῖσθαι.

3^o Monendi hortandique effis omnes
 Deum pro Regibus omnibusque in emi-
 nentiā constitutis assiduis precibus fatig-
 re, ut tandem officii sui memores velint in
 Hæreticorum Antesignanos severius anim-
 advertere! Laudantur quæ in purgandâ
 ecclesiâ a Davide, Solomone, Asî, Je-
 hoshaphato aliisque Regibus peracta sunt.
 Addo in libro Judicum cultus Idololatriæ
 impune præfuit iterum atque iterum cau-
 sam assignari hanc, quod nullus istis die-
 bus fuerit Rex in Israele, quæ quamvis
 satis evincant evaginandum esse justitiæ
 gladium in Idololatrias, agendum tamen ei-
 dem opinioni robur & lucem fœneremur è
 verbis Jobi paulò disertioribus, Job 31.
 26, 27, 28. *Si aspiciendo lucem cum splen-*
des

deret aut lunam, &c. *pellectus est in occulta animus & osculatum est os meum &c.* etiam hoc fuisset iniquitas a iudicibus animadver-
tenda, nam abnegassem Deum fortem super-
nè. Erit fortè qui hasce sagittas è pha-
retra veteris instrumenti depromptas ob-
jiciat, cui, quamvis omnem absurditatem
superet, vitia moralia non esse ejusdem de-
meriti inter Judæos & Christianos, ea ex-
epist. Paulinis regero constitutos esse ma-
gistratus ut terrori sint malis operibus,
Rom. 13. 3. Hæreses autem inter opera
Carnis recenseri, *Gal. 5. 20.* è quibus
præmissis qualis inferri debeat conclusio
Dialecticarum aurium judicium esto. Nec
obstat parabola, quâ inhibetur servis ne
colligant zizania: a principio enim mo-
nuimus per zizania non solos Hæreticos,
sed omnes homines malos indigitari. Ho-
micide autem & fures è medio non tol-
lendos nemo dixerit cui sanguinis ingenui
vel gutta superest. Non absolutè prohibet
Christus evelli zizania, sed tum demum
cum periculum est, ne una cum lolio
frumentum evellatur. *Præmonet Domi-
nus* (ait Hieronimus) *ut ubi quid ambigun-*
um est citò sententiam proferamus, sed Deo
Judici terminum reservemus, ut cum dies
Judicii venerit, ille non suspicionem crimi-

nis, sed manifestum reatum de sanctorum
 carne ejiciat. Refert Camerarius part. 1.
 succisiv. cap. 78. pag. 262. Quod Soli-
 mannus Sultanus, cum a Muphti (qui
 est Turcarum Pontifex Maximus) & Bassis
 admoneretur ut diversos ritus sequentes
 ad Musulmanizandum cogere velit forte
 ex fenestrâ in hortum variis floribus simul
 enatis decoratum conspiciens, dixerit
*quemadmodum ista varietas herbarum ac
 florum non solum nihil obest, sed mirifica o-
 culos et sensus recreat, sic in imperio meo di-
 versa fides et religio potius usui est quam
 oneri.* At alia mens Constantino, in Epi-
 stolâ ad Ecclesias scriptâ post Synodum
 Nicenam. *Putavi, inquit, mihi ante
 omnia in id nitendum esse, ut in Ecclesiâ fi-
 des una, sincera caritas, & religio erga
 deum omnium auctorem nusquam discrepans
 observetur.* Socr. lib. 2. Alia Imperatori
 Justiniano cuius illa extat vox heroica,
 Novel. 3. *non minor mihi cura est horum,
 qua sanctissimis Ecclesiis prosunt, quam
 mex ipsius anima.* Alia Leoni qui sic *Res
 humana aliter tue esse non possunt, nisi,
 qua ad divinam confessionem pertinent, & re-
 gia & sacerdotalis defendat authoritas.*

Patrum autoritate si contendendum sit,
 en vobis Augustinum & Nazianzenum re-
 tractantes

transantes nimiam quam erga hæreticos suaserant lenitatem, Aug: lib. ret: 2. Naz: Epif: 77. Olymp. Cyril: vero de adoratione, lib. 8. postquam meminerat legis Mosæicæ statuentis ut morte moriatur, qui furatus fuerit aliquem ex filiis Israel, addit: τὴν αὐτὴν τιμὴν δίδουσι, οἱ γὰρ οὐδὲ φρονεῖν ἐλομίνετο καὶ τὸν ἐλευθεροῦν φρενέοντα βίον ἐπιτελευτοῦντα, ἐπὶ τὸ σφίσι αὐτοῖς ἀνομιήματα δοκῶν, πολυπλόκοις διανοίαν ἀπάταις ἀποκομίζοντες, λησείας ἐκόντες τῆς ἐπιψυχᾶς ἀνδράπων, ὑπομενῶν ποιρὴν ὃ αὐτοῖς ὁ δάνα[σ]α.

Horrendum hoc & informe Politicorum monstrum, quod Scripturis confecimus, Humanâ quoque ratione (nisi vires sumeret a pertinaciâ) angustriusque potuisset. Quid enim absurdius est, quam Deum præfectos suo nomine constituisse, qui terrenas Controversias deciderent? Quod verò longè gravioris erat momenti prætermisisse ut ipse purè coleretur ex legis suæ præscripto. Ecquis e prophanis Scriptoribus de Magistratuum officio, de ferendis legibus & publico statu disseruit, qui non exordium faceret a religione & divino cultu? quo tacitè consentirent nullam politicam posse constitui, ni prima cura sit pietatis, & præposteræ esse leges,
quæ

que neglecto Dei jure, hominibus tantum consulunt.

Quod reliquum est (Viri Oxonienses) deosculemur filium, viam, vitam, veritatem, revereamur spiritum ducentem in omnem veritatem, ipsam veritatem diligamus lucentem, diligamus redarguentem, ut reformata religio, quam plantavit Deus, rigavit sanguis Martyrum, in feram posteritatem sobolescat, & Academia, quam Heresim officinam appellant male-feriati domestici, apud exteros æquos rerum æstimatores audiat Veritatis lima, purioris Theologiæ Sacrarium.

Hæc habui dicenda non verborum lenociniis, sed remedio Amoris, quæ ne nulli vobis sint usui, precibus ad Deum revertamur, &c.

ERRATA.

Pag. 1. l. 10. r. *facilem* p. 2. l. 7. r. *danſap* p. 5. l. 9.
 r. *Δανσαλίης* p. 6. l. 16. r. *Ζύμης* p. 9. l. 16. r. *Or-*
acula p. 11. l. 8. r. *χ* p. 12. l. 8. r. *errorum* p. 15.
 l. 3 r. *clericos* p. 19. l. 21. r. *ſuoi* p. 21. l.
 11. r. *transmarina* p. 35. l. 14. r. *Hyperaſpiſtes*.

F I N I S.

D





Lectori S.

PRODIIT non ita pridem meo nomine libellulus, in quo sententiam Patrum & Scholasticorum de naturâ mali privativâ argumentis non evertendis evicis præfatione autem longiusculâ illud palam feci, Arminianorum placita a doctrinâ in Ecclesiâ Anglicanâ recepta admodum abhorrere. Istum tractatulum *pau- culis guttis mollioribus* (ea enim est viri nasutuli Metaphora) aspersit Tileni Hieraspistes.

Inprimis valde stomachatur, quod authorem anonymum me ne verbulo lacescentem, sed in celeberrimos Theologos, qua nostros, qua transmarinos, impotenter debac-

D 2

chantem,

chantem, *Æthiopem* appellaverim; ego nescio an omni culpa vacem, qui hominem neq; quoad dentes album, isthoc titulo dignatus fuerim; quo alio nomine reprehendi debeam nondum video : quæ enim Synodo Dordracenæ adscripsit malefana dogmata, ea non ex ipsius actis hausta & excerpta, sed partim è privatorum Theologorum sententiis arrepta, partim è proprio suo cerebro nata & efficta fuisse probabit brevi Baxterus, quem ut magnis saltem inimicitiis inclaresceret, in arénam provocavit. Quæ vero in Examinatores Westmonasterij confedentes congestit contumeliosa, ea esse (quod unum regerit) ornamenta oratoria, nemo dixerit, nisi qui calumnias inter tropos & figuras annumeraverit.

2. Deinde Historica mea adoritur, primò retorquendo ipsa fundamenta Ecclesiæ Anglicanæ a Presbyterianis esse diruta ; frontem vero tuam

am mi Tilene! illane, quam elaboravit conventus Westmonasteriensis, *Confessio fidei*, diruit fundamenta ulla a primis reformatoribus jacta? citius è pumice aquam exprimas, quam è confessione ista apicem doctrinæ elicias, quem communi calculo non approbassent veteres illi Heroës. Eorundem de regimine Ecclesiastico sententiam si tuis ardelionibus favere credas, toto aberas cœlo; neque enim vel Episcopum Presbytero ordine superiorem statuebant, vel ordinationes a meris Presbyteris factas insolentius damnabant: Sed pèrgat Tilenus, *Si doctrina Antiarminiana, sit in Ecclesia Anglicana recepta, tum vel illa quæ massam nondum conditam, vel illa quæ massam corruptam prædestinationi divine substernit: Apage nugās; Non solet Ecclesia Anglicana in mysteriis hujusmodi explicandis vagari in eas quæstiones, quæ nimia subtilitate populari captum effugiunt, ac Scholis*

lis potius quam pulpitis conveniunt; sed docuit, *ante iacta mundi fundamenta*, Deum suos elegisse ad vitam æternam; docuit hanc electionem non ex prævisa hominum fide, sed ex gratuito Dei eligentis beneplacito processisse: Docuit quicquid in nobis boni salutiferi reperitur, id huic gratiæ misericordiæ in solidum deberi: Quod profecto erat arcem causæ Neopelagianæ invadere. Secundum argumentum, quo persuasum nobis vult opiniones Antiarminianas non esse dogmata Ecclesiastica, sed problemata Scholastica, desumitur a nobilissimi Burlæi testimonio, quem ait vehementer improbasse quicquid definitum erat Lambethæ: quumque ea legisset, quicquid gereretur rerum humanarum, bonum id malumve esset, constringi lege immutabilis decreti, ipsis quoque hominum voluntatibus hanc impositam necessitatem, ut aliter quam vellent, homines velle non possint, Exclamasse, præfene

sente regina Elizabetha: *Hæc si vera sunt, frustra ego alique fideles majestatis tuæ ministri, quid in re quæque opus sit factum, quid ex usu futurum sit & regni & tui suspensa diu versamus consilia, cum de his quæ eveniunt necessario stulta plane sit omnis deliberatio.* Sed unde fidem faciet illa Burlæo excidisse? ex Historia Lambethana, quam publici juris fecit ignotus rabula, idemq; author furis Prædestinati. Quisquamne vero hominum ei credat? qui pro verecundia sua comminisci non erubuit Whitakerum incautus suas opiniones imbibisse, eo quod affinitate delapsus erat in familiam Genevensibus magistris additiorem: Whitgiftum vero Archiepiscopum Cantuariensem et si Whitakeri dogmata minime probabat, facilitate tamen, & metu discordiæ, cum suam probare aliis non possit, factum esse ipsum alienæ sententiæ accessionem? Verum concedamus ex mera quadam liberalitate

id. *Tul.*
Hist. lib.
 2. p. 145

litate Burlæum talia loquutum.
 quid inde inferes Tilene? Ecclesiam
 Anglicanam cum Calvino in quin-
 que Articulis, non facere? quam hoc
 nullo modo sequitur? idem ille
 Burlæus, alique reginæ a secretiori-
 bus consiliis *Whitgiftum* acriter per-
 stringunt, quod *non conformes* durius
 tractaverit: ergone mihi licebit con-
 cludere, nullas ad Ecclesia institutas
 fuisse Ceremonias. Serenissimus cer-
 te Jacobus adeo sibi non metuit ab
 Articulis Lambethanis, ut eos con-
 fessione Hybernicam immisceri sus-
 tinuerit, & Arminium Contrario-
 rum Dogmatum patronum, Divinæ
 gratiæ hostē & pacis civilis pertur-
 batorem pronunciaverit: nec in-
 dignus est qui hac de re audiatur
 Samuel Wardus *S. Th. Dr. & D.*
 Margaretæ Professor longe meri-
 tissimus, Concione de gratia Dis-
 criminante p. 354, 355. “ Illud ve-
 “ re adjicere possum, plus uni Au-
 “ gustino jam veterano, & in ista
 “ cause

"causa versatissimo tribuendum
 "esse, quam centum Corvinis, Gro-
 "tius, Vorstius, Bertiis, Tilenis, & id
 "genus recontioribus Dogmatistis.
 "Accedat & illud Augustino sem-
 "per adhaesisse hac ex parte Eccle-
 "siam universalem ab ejus tempo-
 "ribus, Ecclesiam item Anglica-
 "nam ab initio reformationis, &
 "celeberrimam hanc nostram Aca-
 "demiam, omnesque, qui exinde a-
 "pud nos Theologiae cathedras
 "occuparunt, si unum excipiamus
 "exoticum Gallum: unum, in-
 "quam, qui vigilantia majorum
 "nostrorum, & autoritate amplif-
 "sima Reverendissimi Archiepis-
 "copi *Whitgifti* cathedrae suae re-
 "nunciare coactus est. Tandem
 ut amico suo omnem eximat scrupulum, hunc in modum disputat Tileni larva: "Si in ulla Ecclesia obtine-
 "rent Contraremonstrantium dog-
 "mata, tū certe in Belgica, at non in
 "illa, ergo in nulla. Minori suam as-
 ferit

ferit veritatem è testimonio Arnol-
 di Poelenbergii in Epist: Dedic. ad
 confutationem disputationis inau-
 guralis Spanh : hoc vero argumen-
 tum ita futile est , ut nesciam seri-
 òne an joco disputet. Adeone An-
 glos suos ἀμαρτία τις ἀνθρώπων fidera-
 tos credit Tilenus, ut velint uni Po-
 elenbergio Pastori Ecclesiæ Re-
 monst. Hornanæ fidem adhibere,
 contra confessiones publicas, contra
 omnium, qui Conciones in istis Ec-
 clesiis audiverunt, experientiam?
 Respondeat ipsi Poelenbergio Poe-
 lenbergius in dedi: epistolicæ dis-
 fertationis: “ alii dicunt, conciona-
 “ tores adversarios nunc esse magis
 “ quam antehac moderatos , aut
 “ in hac illave civitate modera-
 “ ta ingenia non deesse : at quid
 “ minus verisimile est ? cum hac-
 “ tenus vigeat decreti Dordrace.
 “ ni rigor , cum omnes eidem de-
 “ creto manu sua subscribant, cum
 “ hoc subscribendi jugum omnibus
 “ etiamnum contra Dei verbum im-
 ponatur

ponatur. Olim illi non tulerunt
 conservos suos diversum a se in
 Prædestinationis dogmate senti-
 entes : an nunc ferendos statu-
 unt ? olim illi conservos suos ad
 subscribendum suis placitis adi-
 gere voluerunt : an nunc non adi-
 gunt ? Immo vero adigunt, &
 ubiq; quidem ; adeo ut, si quis
 ipsorum nunc subscribere de-
 tractaret, exploderetur illico, non
 minus quam olim explosi sunt
 nostri: quod ex illo ipso, cui sub-
 scribunt, Synodi istius decreto con-
 stat. Sed & ex eadem Epistola alia
 adscribere non pigebit, ad præsens
 negotium non spectantia, sed Gene-
 rosos nostris, qui diebus Dominicis
 domi desidere solent, profutura. Est
 & alterum quoddam homi-
 num genus, qui ad audiendas
 Conciones accedunt rarius: quod
 malum ex variâ origine proma-
 nat, aliis enim sua sibi negligen-
 tia nimium familiaris in causa est,
 quo

quo minus officium suū præstent;
 aliis Ecclesia Dei non satis hono-
 ribus aut mundi opibus splendere
 videtur; aliis sapientiæ cujus-
 dam propriæ typhus obrepfit, qui
 existimant se fructuosius horas su-
 as domi collocare posse, quod nec
 semper verum est; & si sit, ta-
 men propter communem ædifi-
 cationem tantillum temporis dis-
 pendium pro lucro esset deputan-
 dum. Retulit mihi nuper vir
 quidam gravis & fidei spectatæ,
 sibi quondam, cum peregrinati-
 onem Heidelbergam suscepisset,
 ab hinc annis circiter quadragin-
 ta quinque, familiaritatem ibi in-
 tercessisse, cum Dionysio Gotho-
 fredo, clarissimo illo jurisconsulto
 qui notis suis eruditissimis Corpus
 juris illustravit: is vero quum
 assidue sine ulla intermissione au-
 diret concionatorem Ecclesiæ Gal-
 licanæ valde imperitum ac pro-
 pe ineptum, rogatus quemad-
 modum

modum ipse vir doctissimus ho-
 minē ineptissimum jugiter audi-
 re possit, a quo nec disceret quip-
 piam, nec ulla suada alliceretur;
 Respondit se frequentem adesse,
 non tam ut ipse disceret ex eo,
 ex quo nemo aliquatenus peri-
 tus discere quippiam possit: sed
 ut pro se aliquid in commune ad
 Ecclesiæ edificationem conferret;
 quod quidem illi ita ex voto suc-
 cessit, ut ipsius exemplo excitati
 homines, frequentes concionibus
 illis interessent, quas alioqui for-
 tassī audire noluisent, plusq;
 ille vir clarus ad cœtus celebra-
 tem frequentiamque conferre vi-
 sus est, quam Pastor ille qui con-
 cionando vix ulli, ac forte nemi-
 ni placebat nisi per ipsum. Vtinam
 ad Gothofredi exemplum om-
 nes eruditi aut spectati viri pro
 suâ parte sedulo allaborarent, ut
 Ecclesia, quæ est Domus viventis
 Dei, auditorum concursu & stu-
 dio

40
“dio audiendi verbi Dei quotidie
“magis magisque accresceret : tunc
“certe propter ipsos nomen domi-
“ni glorificaretur in populo, Dei
“Nunc vero quantus est fastus in
“quibusdam hominibus, qui supra
“vulgus sibi sapere videntur? qui
“optimos Concionatores vix ferunt,
“mediocres despiciunt; atque adeo
“interdum in sermonibus suis co-
“ram imperita plebe rogati, cur in
“audiendis sacris concionibus tam
“infrequentès sint, audent palam
“dicere, non adeo necessarium vi-
“deri ut Conciones audiantur. Sic
“cine vero ædificabitis domum
“Dei? itane praxin Ecclesiæ uni-
“versæ, quæ omni anteacto ævo
“congregata fuit, vestra protervia
“conculcabitis? adeone vestra illa
“vos dementavit sapientia, ut om-
“nes sanctos Martyres, & ipsos A-
“postolos, & Christum Apostolo-
“rum Ecclesiæque Dominum sto-
“liditatis arguatis? equidem ego
insipiens

47
insipiens audire malo, quam cum
his sapere.

Talis cum sit, utinam noster es-
set, at cum eo devenerit audaciæ :
ut neget posse *Remonstrantes* inte-
gra conscientia cum *Contra-remon-*
strantibus vel congregationis, vel p. 99.
Synaxeos communionem colere, idq;
quia Sabbathum Christianū sancti-
ficant, non invidemus Poelenber-
gium Arminianis. Olim Domi-
nicum servasse erat characteristica
nota Christiani, non Judæi. *Ideo* Dominicus
servasti?
Christia-
nis sum
intermitte-
autem Dominicus appellatur, ut in sum.
eo a terrenis operibus, vel mundi ille-
cebris abstinentes, tantum divinis
cultibus serviamus. Aug. de tem.
Ser. 51.

3. Metaphysicam meam (quam
vocat) Theologiam aggressurus,
præfatur M. Peircio nunquam in
mentem venisse asserere omnia peccata
esse positiva, certe non illa quæ in Omis-
sione sita sunt. ain verò mi Tilene?
pedem hic figamus paulisper, qui
dicit

(407)

*Aut. p. 145. dicit Deum *creaturas suas ob privationem, que nihil est, non posse damnare*, is alterutrum fateatur necessum est, aut omissiones esse positivum quid, (aut quod magis horrent aures Christianæ) neminem eas propter a Deo damnandum. Qui dicit *crudam involvere contradictionem, ut illud non sit positivum, ad quod destruendum revelatus est Christus*, is statuit peccata Omissionis esse positiva, nisi (renitente sacra pagina) dicat venisse servatorem ad sola Commissionis peccata destruenda.

161. Qui pronunciat *positivum esse debere, quod animam polluit*, is Omissionibus positivam entitatem adscribit, nisi Omissionibus pravis (reclamante fidelium omnium sensu) conscientias coinquinari neget. At nolo te consequentiis premere en verba disserta, p. 161, *Eadem est ratio in omnibus aliis peccatis, præcipue in iis que commissionis sunt*. Non contentus *Peircium* tuum officioso mendacio purgasse

purgasse in calce anotationum tuarum adiicis *me mei oblitum in tuam concessisse sententiam*, ubi illa scripsi *primæ inobedientiæ Angelicæ causam fuisse* (eo modo quo causalitatis potest esse causa) *voluntatem Angelicam. Sed actionis cui inerat inobedientia causam per se, inobedientiæ ipsius causam per accidens & per concomitantiam.* Advocos Tilene omnia pigmenta, omnes dolos, omnes præstigias, nunquam manifestum facies quicquam in scriptis meis occurrere quod hisce vel in speciem contradicat. Dato enim quod voluntas sit causa actionis liberæ (Adam si placet totalis) in suo genere ergone Deus ejusdem actionis non est causa in suo genere? qui istum in modum Oxonii philosopharetur risum junioribus deberet & solveret. at illud fortean male te habet quod antea meminissem cujusdam subtilitatis quam virgere solent Juniores ubi audiunt actionem

dici effectum causæ efficientis. viz. si
 sit effectus tum sit per aliam actionem
 & illa item per aliam, & sic in infi-
 nitum. Ego eam non adhibui ut
 probarem actionem fieri a deo non
 ab homine sed ut innuerem actio-
 nem si propriissime loqui velimus
 non esse effectum vel causæ primæ
 vel secundæ sed potius causalitatem.
 ea subtilitas ne te amplius torqueat
 dico ex Suaresio *disp. 18. de causa pr.*
eff. p. mibi 332. “ si nomine effec-
 “ tus comprehendamus non solum
 “ rem productam, sed quicquid a
 “ virtute agentis emanat, sic conce-
 “ di potest actionem esse aliquo mo-
 “ do effectum agentis, cum sit de-
 “ pendens vel potius ipsamet de-
 “ pendentia ab illo, & ratio generalis
 “ est quia causalitas semper prove-
 “ nit a causa, & ideo licet non
 “ propter se causetur, concausatur
 “ tamen, ideoq; late loquendo sub
 “ effectu comprehenditur. Nec
 “ vero necesse est ut causalitas alia
 cau-

causalitate causetur, aut actio alia
 actione fiat quia de ratione causa-
 litatis est ut habeat immediatā ha-
 bitudinem ad causam, & sit quasi
 medium aut vinculum inter cau-
 sam & effectū. Reliqua quæ ad-
 versus receptissimam distinctionē
 peccati materialiter & formaliter
 sumpti excogitasti deliria, ipsa
 per se fastidium parient lecto-
 ri.

Tandem Tilenus minitando
 prædicit Piercium (ad ejus enim
 nomen pueriliter allusum est) ar-
 gumentorum meorum refutatio-
 tionem moliri. Ego vero istius-
 modi minas fastidire doctus sum
 & contemnere; probe conscius
 non esse metuendum ab isto ad-
 versario cui ἡμεῶν πολεμὶς τὸ ἴδιον
 πλεγματός, cui incumbit probare
*Accidentis non esse Accidens, Pri-
 vationem non esse absentiam per-
 fectionis debita inesse,* ut alia o-
 pinionum

pinionum portenta taceam? Si-
 quæ vel ille vel alii (alios enim
 responsiones meditari inaudivi)
 in medium attulerint quibus non
 sit sæpe sæpius responsum ea sta-
 tim ad examen revocabo. Sin
 Cramben millies coctam repo-
 nant, congregiantur cum iis (quod
 per me licebit) tyrones Academici
 qui nondum norunt quid sit tempo-
 ris & orationis dispendium facere.
 "Eorum dicta contraria (ut Augusti-
 " *de civit. Dei lib. 2.* verbis utar) si
 " toties refellere velimus, quoties
 " obnixæ fronte statuerunt non cu-
 " rare quid dicant, dum quocunq;
 " modo nostris disputationibus
 " contradicant, infinitum esset.

Vale Lector si prius illud exoras
 vero ut malis sancte vivere quam
 subtiliter disputare.

FINIS

Si
im
i)
on
a
Sin
or
od
ici
or
re
ti
fi
les
cu
q
ous
.
ras
am